



Broj: 11-19-11-2-3122-VIII/26

Datum: 16.09.2026. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavke za 2026. godinu, direktor Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke službenih motornih vozila LOT-8
Nabavka Quad vozila

1. Prihvata se prijedlog Komisije za provođenje otvorenih postupaka nabavki u postupku Javne nabavke službenih motornih vozila za LOT-8 Nabavka Quad vozila, te se Ugovor dodjeljuje ponuđaču „SHOT“ d.o.o. Zenica, prema ponudi broj: 26-169-KT-5 od 01.09.2026. godine sa ukupnom cijenom od 51.282.00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14 i 59/22).
4. Obavezuje se ponuđač iz tačke 1. ove Odluke da u roku od pet (5) dana od prijema ove Odluke dostavi dokumenta navedena u Tenderskoj dokumentaciji broj: 11-19-11-3122/26 iz jula 2026. godine.
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke službenih motornih vozila (sa podjelom na LOT-ove), po Obavještenju o javnoj nabavci broj: 1412-1-1-210-3-166/26 od 24.07.2026. godine objavljeno u "Službenom glasniku BiH" broj: 65/26, dana 04.09.2026. godine.

Dana 07.09.2026. godine, Komisija za provođenje otvorenih postupaka nabavki za 2026. godinu izvršila je radnju Otvaranje ponuda za Javnu nabavku službenih motornih vozila LOT 8- Nabavka Quad vozila, o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN.

U postupku pregleda i ocjene ponuda Komisija je utvrdila da su za navedenu nabavku do određenog krajnjeg roka za dostavljanje ponuda pristigle dvije (2) ponuda i to: ponuda „SHOT“ d.o.o. Zenica, ponuda broj: 26-169-KT-5 od 01.09.2026. godine sa ponuđenom ukupnom cijenom u iznosu od 51.282,00 KM bez PDV-a i ponuda ponuđača „STL“ d.o.o. Sarajevo, ponuda broj: 16626/26 od 07.09.2026. godine sa ponuđenom ukupnom cijenom u iznosu od 51.282,00 KM bez PDV-a.

Za ponudu ponuđača „SHOT“ d.o.o. Zenica Komisija za provođenje otvorenih postupaka nabavki za 2026. godinu je konstatovala da ista ispunjava uslove iz tenderske dokumentacije te je ocijenjena kao

prihvatljiva za ugovorni organ, dok je ponuda ponuđača „STL“ d.o.o. Sarajevo ocijenjena kao nepravilna. Naime ponuđač STL d.o.o. Sarajevo sa ponudom broj: 16626/26 od 07.09.2026. godine je isključen iz dalje kvalifikacije za navedeni LOT obzirom da je dostavio ispunjen obrazac-izjava o ispunjenosti uslova iz člana 45. stav 1. tačka od a) do d) Zakona o javnim nabavkama BiH broj 39/14 i 59/22 i 50/24 (označavajući isti obrazac kao Prilog 3), koji se odnosi na javnu nabavku koji provodi Olimpijski centar Jahorina a.d., a ne ovaj Ugovorni organ, dok se u Obrazcu navodi da se radi o javnoj nabavci rezervnih djelova za tabač snijega Kassbohrev što uopšte nije predmet nabavke ovog Ugovornog organa iz čega se može zaključiti da ponuđač nije dostavio ovjerenu i potpisanu Izjavu o ispunjenosti uvjeta iz člana 45. ANEX III.

Slijedom navedenog ponuda ponuđača STL d.o.o. Sarajevo je ocijenjena kao nepravilna obzirom da nije dostavljena u skladu sa tenderskom dokumentacijom i isključena je iz daljeg procesa.

Budući da je za navedenu nabavku pristigla samo jedna prihvatljiva ponuda, a da je za istu nabavku tenderskom dokumentacijom predviđeno provođenje e- Aukcije, u skladu sa članom 4. stav 2. Pravilnika o uslovima i načinu korištenja e-Aukcije (Službeni glasnik BiH, broj: 80/23) e-Aukcija se nije zakazivala.

Rukovodeći se kriterijem najniža cijena i ispunjavanje svih traženih uslova (u skladu sa tenderskom dokumentacijom), Komisija je u skladu sa članom 70., ZJN BiH predložila da se za Javnu nabavku službenih motornih vozila za LOT-8 Nabavka Quad vozila, ugovor dodijeli ponuđaču „SHOT“ d.o.o. Zenica, prema ponudi broj: 26-169-KT-5 od 01.09.2026. godine sa ukupnom cijenom od 51.282,00 KM bez PDV-a.

Razmatrajući prijedlog Komisije, direktor Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finansije i javne nabavke
- ponuđačima
- u spis

DIREKTOR
GLAVNI GENERALNI INSPEKTOR POLICIJE

Igor Marić

